



**GOVERNUN KONSTITUSIONAL BA DA-IV
SEKRETARIA ESTADU KONSELLU MINISTRU**

KOMUNIKADU IMPRENSA

Sorumutu Konsellu Ministru 29 Setembru 2010

Konsellu Ministru hala'o sorumutu iha Kuarta-feira, 29 Setembru 2010, iha ninia sala sorumutu, iha Palásiu Governu, iha Díli, no aprova ona:

1. Proposta Alterasaun ba Lei Eleitoral Prezidente Republika nian

Alterasaun ba Lei n.º 7 / 2006 iha ninia objetivu atu hadi'a di'ak liu tan Lei ne'e, liuliu iha nível prosedimentu nian, bainhira haree ba eleisaun jerál ne'ebé mak atu hala'o iha 2012.

Lei Eleitoral Prezidente Repúblika nian ne'e, tuir ita hotu hatene, atu regula eleisaun orgaun soberania ne'e, nu'udar símbolu no atu garante independénsia nasional, husi unidade Estadu nian no husi funsionamentu regulár instituisaun hirak demokrátiku nian.

Realsa iha majistériu prezidensiál nia karakter independente no suprapartidáriu, define mós prinsípiu hirak fundamentál kona-ba kampaña eleitoral no estabelese norma hirak jerál kona-ba apresentasaun kandidatura sira, tuir eleisaun no prosesu votasaun nian.

2. Alterasaun ba da-uluk ba Dekretu Governu nian ne'ebé Regula Estatutu ba Titulár Órgaun Soberania nian / Deliberaun Governu nian kona-ba suspensaun Vise Primeiru-Ministru ba Assuntu Sosial sira no Ministru Negósiu Estranjeiru

Konsellu Ministru entende katak Dekretu Governu nian n.º 2 / 2007, 1 Agostu, ne'ebé Regula Estatutu ba Titulár Órgaun Soberania nian sira ladún iha ajustamentu hirak ne'ebé tenke hetan definisaun. Hanesan, tandeit' regalia hirak relasiona ho abonu sira atu hasai ba despeza reprezentasaun nian, ajuda kustu nian sira no abonu komplementár ka ekstraordinária hirak seluk (la sura ho subsídiu kona-ba alojamentu nian), tránzitu-livre, passaporte diplomátiku no viatura hirak ofisiál nian hakarak hatudu ezersísiu efektivu husi funsaun nian sira.

Direitu no regalia pesoál nian sira ne'ebé mak fó ba Titular Órgaun Soberania nian sira ne'e hakerek iha Lei n.º 7 / 2007, 25 Juñu, ne'ebé mak defini, mós impedimentu no inkompatibilidade sira bainhira hala'o knar sira. Hakarak mós halo referénsia katak titulár sira ba kargu pulitiku sira integra mós iha órgaun hirak sai símbolu no garante independénsia no unidade Estadu nian, no katak, bainhira representa sidadaun

timor oan tomak, mak titutár sira ne'e responde ba kondusaun no ezeksaun polítika no administrasaun públika paíz ne'e nian.

Maske nune'e, no haree ba karta ne'ebé mak Prokuradora Jerál Repúblika haruka ba Primeiru-Ministru hodi informa kona-ba akuzasaun ne'ebé mak mosu hasoru Vise Primeiru-Ministru ba Assuntu Sosiál no Ministru Negósiu Estranjeiru, Konsellu Ministru diskuti ona kestaun ne'e, bazeia ba dokumentu ne'ebé Ministériu Públiku haruka, bazeia ba Konstituisaun Repúblika no ba Kódigu Prosesu Penál, hodi bele hatene kona-ba hahú loron saida mak tenke halo suspensaun. Konsellu Ministru hetan desizaun katak tenke hein deliberaun husi Parlamentu Nasionál, tuir dalan konstituisaun nian.

Konsellu Ministru mos analiza ona:

1. Apresentasaun kona-ba diversifikasaun investimentu Fundu Minarai nian

Haree ba faktu ida katak, Lei Fundu Minarai nian oras ne'e fó dalan ona atu iha flexibilidade ba investimentu, mak presija tebes atu halo alterasaun ba Lei ne'e, atu nune'e bele kontinua iha diversifikasaun iha estratéjia investimentu kona-ba lukru hirak ne'ebé tama liu husi esplorasau minarai atu nune'e bele fó sustentabilidade ba rendimentu. Klibur servisu nian ida husi Ministériu Finansa halo ona proposta alterasaun ba Lei ne'e, hodi hato'o mós hanoín ba Konsellu Konsultivu Investimentu nian no mós ba konselleiru sira hosi rai liur. Proposta ne'e la kleur tan sei hato'o ba iha Konsellu Ministru.

2. Apresentasaun kona-ba Mekanizmu Despeza no Reseita Doméstiku nian sira

Governu oras ne'e estuda hela oinsá atu aumenta investimentu iha infra-estrutura sira no kapitál umanu iha Timor-Leste. Mekanizmu despeza no reseita doméstika sira ne'e hato'o ona ba iha Konsellu Ministru, hodi hatudu forma oinsá mak investimentu doméstiku ne'e bele fó ba iha infra-estrutura no kapitál umanu atu nune'e bele promove desenvolvimento no kresimentu ekonómiku. Investimentu hirak ne'e, iha loron ikus sei hamosu reseita hosi rai laran.

3. Atualizasaun kona-ba Fundu Minarai: mandatu foun kona-ba investimentu

Konsellu Ministru diskuti ona planu atu diversifika investimentu Fundu Minarai nian no prosesu atu iha tempu oin mai desenvolve jestaun no estratéjia investimentu Fundu nian.

4. Apresentasaun Proposta kona-ba Lei Tribunal Kontas nian

Anteprojetu ne'ebé relasiona ho Lei Orgánika Seksaun Kontas Tribunál Superiór Administrativu, Fiskál no Kontas Repúblika Demokrátika Timor-Leste nian ne'e elabora liu husi koperasaun ho Tribunál Kontas Portugal nian. Lei ne'e estabelese kompeténsia, organizaun no funsionamentu ba Seksaun Kontas

Tribunál Superiór Administrativu, Fiskál no Kontas nian, nune'e mós estatutu hosi Juiz ida-idak nian. Tribunál ne'e, tuir proposta, sei hetan jurisdisaun no podér kontrolu finanseiru nian, la'os dei't iha territóriu nasionál maibé mós iha estranjeiru, relaciona ho servisu, organizmu ka representasaun hirak Estadu nian iha rai liur. Kompeténsia Tribunál ne'e nian mós atu fiskaliza legalidade no regularidade reseita no despeza públika sira, nune'e mós apresiasaun ba jestaun finanseira di'ak nian no atu efetiva responsabilidade bainhira mosu violasaun finanseira.

5. Apresentasaun Proposta kona-ba Alterasaun ba Lei Órgaun Administrasaun Eleitorál nian

Proposta ba alterasaun ba da-uluk Lei n.º 5 / 2006 iha ninia objetivu atu ajusta situasaun atuál órgaun administrasaun eleitorál nian ba realidade iha Timor. Nesesidade atu halo ajustamentu ida ne'e mosu hosi esperiénsia ne'ebé hetan husi eleisaun hirak hala'o tiha ona, to'o oras ne'e iha Paíz.

6. Apresentasaun Proposta kona-ba Alterasaun ba Lei Eleitorál ba Parlamentu Nasionál

Liu hosi projetu Alterasaun ba Lei n.º 6 / 2001 ne'e hakarak atu modifika kestaun hirak kona-ba prosedimentu sira, atu nune'e bele halo sai diak liu tan lei ne'e, hodi haree mós ba eleisaun parlamentár hirak atu hala'o iha 2012, hanesan sistematizasaun prosesu kandidatura ba eleisaun nian.